

1. JU OŠ "Čengiće Vila I", Dr.Fetaha Bećirbegovića 2, 71000 Sarajevo kojeg zastupa direktor Nermina Sabljica (u daljem tekstu: Ugovorni organ), i
2. MBA Centar, Hasana Merdžanovića 3, 71000 Sarajevo kojeg zastupa direktor Mehmedalija Kraljić a svi zajedno u nastavku: Ugovorne strane, sklopile su dana 4. 3. 2019. godine, u Sarajevu slijedeći

OKVIRNI SPORAZUM

o sukcesivnoj isporuci užine za učenike škole za JU OŠ "Čengiće Vila I"

Član 1.

Predmet ovog Okvirnog sporazuma je isporuka užine za učenike škole na osnovu provedenog postupka javne nabavke, a u skladu sa prihvaćenom ponudom Dobavljača broj 2712-1/18 od 27. 12. 2018. godine, koja je sastavni dio ovog Okvirnog sporazuma.

Član 2.

Ukupna vrijednost ovog Okvirnog sporazuma, prema specificiranim količinama i ugovorenim jediničnim cijenama bez PDV-a, iznosi 15.412,22 KM.

Slovima: petnaesthiljadačetiristotinedvanaest i 22/100 KM

Ukupna vrijednost ovog Ugovora sa uračunatim PDV-om od 17% iznosi 18.032,30 KM.

Slovima: osamnaesthiljadatridesetdvije i 30/100 KM.

Član 3.

Dobavljač je dužan pismeno obavjestiti Ugovorni organ o svakoj promjeni cijena užine koje su izazvane promjenama cijene na svjetskom tržištu, do koje dođe u vremenu trajanja ovog Okvirnog sporazuma.

Član 4.

Isporuka užine za potrebe Ugovornog organa, vršit će se sukcesivno u skladu sa potrebama Ugovornog organa. Prilikom isporuke užine Dobavljač je dužan voditi evidenciju o izvršenoj isporuci užine sa naznakom datuma, količinom, a istu će prikazati na fakturi/računu.

Član 5.

Plaćanje po ovom Okvirnom sporazumu vršit će se devedeseti dan po ispostavljanim fakturama Ugovornom organu. Plaćanje će se vršiti po dospijeću na transakcijski račun Dobavljača broj 1940016017600107 otvoren kod Pro Credit banka.

Član 6.

Dobavljač je dužan osigurati kvalitet isporučene užine. U slučaju da ne osigura traženi kvalitet Dobavljač je odgovoran za svu štetu koju pretrpi Ugovorni organ usljed nepostojanja kvaliteta.

Član 7.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Okvirnog sporazuma, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Okvirnog sporazuma, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Član 8.

Sve moguće međusobne sporove po ovome Okvirnom sporazumu, Ugovorne strane će rješavati sporazumno. Ako u postupku rješavanja spora ne dođe do rješenja, nadležan je općinski Sud u Sarajevu.

Član 9.

Ovaj Okvirni sporazum se zaključuje od 4. 3. 2019. na vremenski period do 31. 12. 2019. godine, odnosno do utroška sredstava procjenjene vrijednosti nabavke.

Ovaj Okvirni sporazum stupa na snagu danom potpisivanja od strane ovlaštenih lica Ugovornih strana.

Član 10.

Na sva pitanja koja nisu regulisana ovim Okvirnim sporazumom primjenjuju se odredbe važećih zakonskih i podzakonskih propisa.

Član 11.


Sve što je definisano u tenderskoj dokumentaciji primjenjuje se u okvirnom sporazumu.

Član 12.

Ovaj Okvirni sporazum sastavljen je u šest istovjetnih primjeraka od kojih četiri primjerka istog pripadaju Ugovornom organu, a dva primjerka pripadaju Dobavljaču.



Broj: 1/56/19



Broj: 01- 457 /19